

2 Petero

1 ¹ Yesu Kristoac welenj qeque icya zéma Yesuac Méléliméli icya ni Simeon Peteronéj, nejanj Anutu zéma aŋgénéj titi miŋina Yesu Kristoac kekec solanawac kuhanéj nanŋé néŋu, ninzénj ninzénj nini késakeczij eeyaguc imi héná imuhucyanec mihicŋi énécmiyu késa keczu onac mia kiwi yomi o énécmizua. ² Anutu zéma nejanj Miŋ Kewunina Yesuac hénia ninzu niniŋ kuaya qeqeya imuac qeriaiguc ewa hiaya zéma luaeyanéj onac muru sécgéma hema kecmac.

Kristoac tohotoho ichéra ionac pakeŋ ac.

³ Eŋeya edamuya zéma hiayanéj nejanj héihéré nénécmiyec i niŋmianzij niniŋ imuac qeriaiguc mia Anutuac kuhanéj kekec zéma wawanj meme eeyaguc imuac buŋa moczoŋ mihicŋi nénécmiyec. ⁴ Imi mia baeciguc séwininawac siŋ birianéj wanj nénécmiyu haka oŋgiŋa késa kerij imuac héjara mema Anutuac héniaja téréyaiguc toroqewiŋ niŋac sisipac ac eŋeja yanda eebipiyaguc imi nénécmiyec. ⁵ Hénia imuac niŋac mia ini séc méj seliseli wamma haka yomuhucyanéj kekecginaiguc toroqemu; Ninzénj ninzénjgina qahaiguc wawanj meme hiabia, wawanj meme hiabia imuac qahaiguc niniŋgina, ⁶ niniŋgina imuac qahaiguc melanzi amuma kekec, melanzi amuma kekec imuac qahaiguc qeselima kekec, qeselima kekec imuac qahaiguc météré amuma kekec, ⁷ météré amuma kekec imuac qahaiguc dacmuna siŋ, dacmuna siŋ imuac qahaiguc goi héihéi wanjamuma kekec imi toroqema imuac qeriaiguc kecmu. ⁸ Haka imuhucyanéj onac muru hema emma heyu Miŋ Kewunina Yesu Kristoac héniaja kuaya qeqeya niŋareŋgéma kecmá gorosoŋa me aroŋa ménda wammu. ⁹ Méjnéj haka imuhucya ménda aŋgénéj tiyu hemizac imi kiwa mugu mugumia zéma kic hilic. Wanju ic imuhucya imi késpedesiya bec zuacmimia wanjec, néj imi eluŋ qeyu kecanzac. ¹⁰ Dacmuna hécna imuac niŋac séc méj ogicma seliseli wamma ai buŋagina meseligimu. Imuhuc wanŋic ai imuac unuruma megési énécmiyec imi hicŋitegiri hémmu. Ini imuhuc wammuiguc ménda maunumac, néj seligima kecmu. ¹¹ Imuhuc wamma kecmuiguc nejanj miŋ kewunina aŋgénéj titi miŋina Yesu Kristo iwac héŋgalej ama areja yanda hehe selia imuac naguya moczoŋ auénécmiyu osiosiya qahac kereŋdacmu.

¹²Imuac mia ini hénia imi niñasarima ac héla deguc késa kecзу imuaru nanşeligicac kecзу, néj ini haka imuac niñqelimu niñac nalé séc énézémanj zé niñzua. ¹³⁻¹⁴Ni Miñ Kewuna Yesu Kristonéj zéasari néjéc séc séwi halina focdac hetecgémanj imi niñzua. Imuac mia ni baec séwiac haliguc kicqeli kecanzua nalé imuac séc meqeli énécmiwa niñqelima kecmu niñac nimba sécgézac. ¹⁵Wañu wai énécmima kemmanj imuac andiaiguc ini acguc ackuažéc énézéyi imi niñqelimu niñac aina selianec mekeczua.

Kristoac edamuya.

¹⁶Miñ Kewunina Yesu Kristoac kuha zéma mama hahayawac énézéyiñ suruc imi nemu surucdac méj ic méjnénéj hiabianec areñgéma zézéya imuhucya ménda méndacma énézéyiñ, néj neñaoc kicninanéj eñeja miñinawac héniaya imi héñiñ imuac héipuc ic wamma énézéanzij. ¹⁷Edamu asaha eebipiayaguc imuac qeria igucnec ac ewa mén yomuhuc mayec. Mayu inéj Mañgoc arunec eebipiya zéma edamuya késayec. Yomi imi nuac nañ sorocna, iwac nimba sécgéyu ségiségi wañanzua. ¹⁸Ac ewa imi nini i guc momacnec baec boña téréyaiguc kecni kurumeñ igucnec hicñiyu neñaoc gezac ninanéj niñij. ¹⁹Wañu neñañ muru kua meme ic ionac ac he nénécmiyu niñni héla téñgénéj wañanzac. Wañu ac iminéj mia kifa ésécnec siñi tunumanj qetagali énécmiyu imuac mia kicgina hima kecgic ama gĩañiyu ewa qeriginaiguc gĩañgĩañawac widi yanda Yesu imi éréyu mihicñimu. ²⁰Wañu walac ac yomi niñyacgému, anduac ac kiwi téréyaiguc ooyawac hezac imi ic méj eñeyawac héiqeli ac igucnec ménda haanzac. ²¹Andiawac ara imi nalé méñac méj ic méñac ewa siñ igucnec ménda mihicñigic, néj uña téréyanéj tiléñgé énécmiyu Anutu arunec ichéra ienej zéhicñiañgic.

Anutuac tiliñ tiliñ ic ikora zéma kiwi ic ikora.

2 ¹Néj ic enia ionac sugcinaiguc acguc Anutuac tiliñ tiliñ ic ikora hicñima kecзу. Imuhucyanec sugcinaiguc acguc kiwi ic ikora hicñima kecmu. Ienej imi mebiri énécmimiacac buña suruc ikora imi éléñnec mema sugcinaiguc érému. Ienej imi eñañ boñ héré meénécmiyec Miñ Kewu i qaecgéma focfoc mebiri énécmimiawac buña imi héré añgétimu. ²Wañu ienej kaisero wañgic sasalanéj méndac énécmimu. Wañu ic ionac niñac ac hélawac héna imuac zébiri qébiri wammimu. ³Kiwi ic ikora imi enej hémbaociguc namma ackuažéc ewaginaiguc téyu iminéj batucgé énécmima iwawaigina héré onagic wammu. Wañu tasé mihicñi énécmimiawac ai imi becarunec ménda horugianzac. Wañu mebiri qebiriac kuhanéj gau niñ ménda wamma ic imuhucyawac inicma kecзac.

⁴ Anutunéŋ kua meme uŋa tosara kápésic waŋgic ionac kápésicgina ménda wai énécmima uŋa biria ionac baec dumuŋawac bawaiguc gili énécmima siŋi tunumaŋ yanda imuac hésa amaiguc onoporu keŋkegcig zégésigési naléya hamacac hezac. ⁵ Waŋu becaru Noa solaŋ kekecac buŋa zéau énécmiyec i zéma iwac sac taséhera 7 ionac sac goigina héima galenŋgé énécmiyu kegcig, néŋ baecac hicŋisai tosara Anutu eeya ménda héiaŋgic ionac imi goigina ménda héima doku qaonŋ yanda mihicŋi énécmiyec. ⁶ Waŋu Sodom zéma Gomora ama areŋa yanda imuac miŋina imuhucyanec qahac wammu niŋac zétecgé énécmiyu bucalalaŋ wandacgic haka iminéŋ hicŋisai biria andiaiguc hamu ionac séséc waŋec. ⁷ Waŋu ic solaŋa Lot imi héna ac qahac kecaŋgic ionac kaisero haka qesalecgégéya imuac niŋac réwéri mihicŋima keru imuacnec metecgé miyec. ⁸ Ic solaŋa inéŋ ionac suginaiguc kecma naléya naléya wawaŋ meme héna ac logilogiya imi kiwanéŋ hémma gezawanéŋ niŋu ewa qeri solaŋa imi sisic waizalaŋgic opocaŋec. ⁹ Miŋ Kewuninanéŋ imi niŋtegcima ic embac solaŋa imi manam batuc igucnec metecgé énécmima ic biria imi wai énécmiyu biriaginawac bakia bisima kegcicnec zégésigési naléya hamac. ¹⁰ Séwiac siŋ tohoma siŋ biria qeriaiguc tacyac wamma miŋ maŋgoc waŋ énécmimia wac mematiti wammianzu imi kitiwagina meleŋ énécmimacac hezac.

Imi eneŋ mia bac yandi yandigina qahac déménŋgina seliseli wamma zénénŋgina ménda hirima edamu ginaguc keczu i zébiri énécmianzu. ¹¹ Néŋ kua meme uŋa ic imuhucya onogicma kucgina kunéŋ yanda sécgina ménŋ he énécmimia ieneŋ imi Miŋ Kewuninawac wésiaiguc ionac mia zébiri qébiri ac ménda mema aciguc ménda onopocanzu. ¹² Waŋu ieneŋ imi hénihénia igucnec énépésiyu kemma humumu niŋac hicŋigic yaŋ beric ésécnec iwawai ménda niŋacgéŋic imuac mia zébiri wammima mebiri qebiri imuac qeriaiguc mebiri qebiri mihicŋianzu. ¹³ Waŋu haka biriawac kitiwawac haka biria mihicŋima kaiwe asaha yanda qeriaiguc nezéléléŋ wamma niŋgic sécgéanzac. Iminéŋ mia zapi qeqegina zéma kápésicgina wanzac. Ieneŋ imi iniguc ariaciguc kecmu imuaru ikociguc héihéré waŋamuma nezéléléŋ waŋanzu. ¹⁴ Kicgina imi kaiseroneŋ sécgéma heyu kápésic waimuac séc qahac waŋu ic embac tosara qeri uŋagina ménda seliseligia imi haléc waŋ énécmianzu. Waŋu ewa qeriginanéŋ seligiyyu hémbaoc haka efima waŋanzu. Imi eneŋ mia saecac nambérac héra keczu. ¹⁵ Imi eneŋ héna dindiŋa imi waima kemma rouc wamma kecma Beoroac naŋa Balamac^a héna méndacma kenzu. Ic imi mia wawaŋ meme biriawac boŋa niŋac siŋa niŋaŋec. ¹⁶ Imuhuc wamma keru Miŋ Kewunéŋ doŋki yaŋ ara qahac imuac kuaya mema ic ionac ac ewaiguc ac wammima gezac qézéŋ ic iwac haka sohosohoya imuac neuŋ héimiyec.

^a 2:15 Yud 1:11

¹⁷Ic imuhuya imi doku hogocya dokuya qahac zéma hosusu luhuc selianéŋ mihilangéyu keŋha waŋanŋu ésécnec. Ionac niŋac siŋi tunumanŋ mézézéŋgéyu hezac. ¹⁸Ieneŋ imi séwi eŋeŋawac ac eŋomia lomma zéma haka soho sohoya wawaŋa ionac murunec waiŋalaŋ wamma néŋgacma hahaya imi muŋguc kaisero hakanéŋ séwiac siŋiguc wamma haléc ac waŋ énécmima ¹⁹hulac énécmimi hésa qaté qahac kecmu zéma ac zikima énézéanŋu, néŋ eŋaŋ imi haka houhouyawac welenŋqeŋe ic kecŋu. Imi mia hénia yomuhuc niŋac; Ic ménéŋéŋ ménda ogicmac imi ménŋ ogiczac iwac welenŋ qeŋeya wammacac hezac. ²⁰Ieneŋ imi aŋgéŋ titi miŋina Miŋ Kewunina Yesu Kristo nimmima baecac haka biria imuacnec néŋgacma hamaguc muŋguc haka iminéŋ qatéénécmima meseli énécmiyu imi bec kekecgina hénihéniaiguc kecgic imi ogicma moczoŋ biridacmac. ²¹Héna solaŋa niŋasarima zézé seli ac téréya mératéc buŋa énécmimia imi andé qezu ionac niŋni biriqiria waŋu duŋa melemma héna solaŋa ménda nimma kekera ionac niŋni ménŋ ogicma hia zézé wanŋac. ²²Pakeŋ ac héla yominéŋ ionac muru héla héizac. Kazu imi loloŋa muŋguc nemaŋ zé liliŋgéanŋu. Waŋu beric imi doku naecmaguc muŋguc gizoziguc kemma lumuc euma heanŋu.

Miŋ Kewunéŋ liliŋgéma hamac.

3 ¹Kunuchécna, deguc kiwina ménŋ yomi owa hatac éréhéc wanŋac. Kiwina éréhécnec imuaru imi ewa qerigina héla mindi énécmimanŋ zé hénia yomuac mia meŋeli énécmizua; ²Eneŋ kua meme ic téréya ieneŋ andu ac zégic ackuaazéc imi zéma Miŋ Kewunina aŋgéŋ titi miŋinanéŋ Yesuac Méliméli ic ionac kuaginaiguc haiyu énézégic imi niŋqelima kecmu niŋac oénécmizua. ³Walac imi yomuac niŋselimu, nalé tetcgiaiguc zésiloloc waŋanŋu imi eneŋ hama séwiginawac siŋ méndacma wamma zésiloloc wamma yomuhuc énézému. ⁴Miŋ Kewu liliŋgéma hamac zézé seli imuac héla dimia? yanda hécnina humudacgic, néŋ iwawai sasala baec hicŋiyec igucnec hema hama kerec imi imuacnec hema keczac. ⁵Imuhuc zéanŋu eneŋ imi Anutunéŋ zéyu ackuaazécya imuac niŋac kurumeŋnéŋ becarunec hicŋima hezac imi zéma baec imi doku igucnec zéma dokunéŋnec mihicŋiyecac hezac imi kileŋ eluŋ unumac niŋ wanŋu. ⁶Hénia imuac niŋac becneŋ baec yomi dokunéŋ luma hoturuyu humudacgic. ⁷Waŋu ackuaazéc iminéŋnec baec kurumeŋ deguc hezaoc imi gésigési naléiguc biria meme ieneŋ zéraiguc emmu imuac naléya ducŋimacac séc gericac buŋa aŋgéŋ tiérécmiyu mambéc hezaoc.

⁸Kunuchécna, Miŋ Kewuguc imi ai meme momacguc imi niŋu yawuŋ tauseŋ éséc wanŋanŋac, waŋu yawuŋ tauseŋ imuac niŋu ai meme momacguc tanec wanŋanŋac imi eluŋ ménda unumac. ⁹Miŋ Kewuac sisipac ac imi ic tosara eneŋ nalé horugizac zéma niŋanŋu ésécnec ménda horugizac. Imi mia ini moczoŋ ménda biridacma keŋkecma

ewa melenj wandacmu niŋac wamma nalé herec bénzénj mambéc waŋ nénécmianzac. ¹⁰Waŋu Miŋ Kewuac naléya imi kowu nene ésécnec élénec hamac. Nalé imuaru imi kurumeŋ imi héténj yandaguc qacma aulangéma kendacmac. Waŋu baec imi gericnéŋ zeyu doku ésécnec wamma uraha qahac wandaru imuaru ai memeyawac hezac imi acguc qahac wandacmac. ¹¹Iwawai momac yanda imuhuc qahac wandacmac, imuac ini ic dimuhucya waŋgic sécgémac? Wawaŋ meme téréya zéma haka eeyaguc kecma ¹²Anutuac naléya imi hamac niŋ hélacnec mambéc kecmu. Nalé imuaru imi gericnéŋ zeyu kurumeŋnéŋ doku ésécnec hularu iwawai héhéŋa imi pépélíma madacmac. ¹³Waŋu neŋaŋ imi iwac sisipac aciguc hezac séc kurumeŋ qelia zéma baec qelia hicŋjimaoc niŋ mambéc kecanziŋ. Waŋu baec imuaru imi haka solaŋa hezac.

¹⁴Imuac kunuchécna ini iwawai imuhucyawac mambéc keczu. Imuac iwac kiwaiguc zapi qahac késpedes solaŋ wamma luaeiguc wininimu niŋac seliseli wamma kecmu. ¹⁵Waŋu Miŋ Kewuninanénj nalé horua bisiqatéŋ waŋ nénécmianzac haka iminéŋ aŋgénj titinina waŋ nénécmimac zéma nimmu. Dacmuna soroc hécnina Paulo i acguc niŋtegiac qinŋtegiac haimiyec séc imuhucyanec oénécmiyec. ¹⁶Waŋu kiwiya oyec séc haka imuac zéyec. Waŋu kiwiya tosara imi niŋyacgéwiŋ zé batucgéni hénia hiŋgac hiŋgara wanzac. Ic tosara nininŋina qahac zéma ménda seligima nanzu ieneŋ kiwi tosara ésécnec zénimma sécgina ogicma hénia miŋzima nimma eŋaoc késpedes humumiawac mihicŋjanzu. ¹⁷Imuac kunuchécna ini imi walac nindaczu imuac niŋ tosara héna ac qahac kecanzu ieneŋ ac halécnéŋ waŋ énécmigic seligima namma imuacnec mama unuwac niŋ galeŋ mama kecmu. ¹⁸Waŋu Miŋ Kewunina zéma aŋgénj titi Miŋina Yesu Kristo iwac goi héihéi zéma hénia niŋni yandima kemmac. Edamuyanénj deguc zéma nalé teteugia qahac iwac muru hemac! Hélacnec.